

## 建置沿革

秦

始皇既滅六國削去五等分天下為三十六郡郡置  
守尉監時海虞尚隸吳縣屬會稽郡邊海始皇東  
游會稽並海走郎邪則亦嘗為巡歷之地矣

古記

漢

置司鹽都尉署於海虞西北南沙鄉時壤尚屬吳縣  
隸會稽郡

杜氏通輿

三恪曰自秦罷侯置郡曰守縣曰令漢因之又

海虞別乘

建置沿革

六 淑照堂叢書

置尉以治兵守尉並列秩二千石又於額外設  
司鹽都尉蓋海虞地瀕江海控郡之北境為鹽  
販出沒之所尉有軍吏部曲可禦非常也

三國

孫權於吳縣之虞鄉置虞農都尉

吳地記

西晉

晉武帝平吳以南沙割屬暨陽太康四年分吳縣之

虞鄉立海虞縣仍隸吳郡

南史

東晉

永嘉二年中州板蕩臨淮淮陵並淪沒石氏元帝渡江後徐州所得唯半淮北流人相帥過江淮帝並僑立郡縣以司牧之割吳郡之海虞北境為東海郡置守稱南東海太守立郟朐利城三縣并隸焉成帝咸和七年分海虞西北境置南沙縣屬晉陵郡按郡志南沙本吳縣司鹽都尉署吳時名沙中晉罷署立縣 參南文

齊

齊始置縣令於南沙以南沙屬晉陵

海虞別乘

建置沿革

七 淑照堂叢書

隋

省信義郡置常熟縣

隋書常熟舊曰南沙梁置信義郡平陳慶并所領海

陽前京信義海虞興國南沙入焉有虞山